

咸淳重修毗陵志

重修毗陵志卷之二

地理二

餘州

望常州毗陵郡軍事治晉陵武進高貢揚州之南境
周封吳國之西陲延陵季子之舊邑至漢改曰毗
陵初周大王長子秦伯以王季有聖子昌遜之廼
與仲雍奔荆蠻荆蠻之人誼而君之號句吳秦伯
卒仲雍繼立武王克商訪其後得周章因封焉

史記

吳世家 秦伯仲雍季子 周章至壽夢 又十有四世 四

簡叔達

周章凡五世

至壽夢稱王

又十有四世

子季曰札賢壽夢欲立之兄弟皆以國遜札固辭
 棄室而耕餘祭立封諸延陵其地是已至夫差為
 越所滅後楚并越秦并楚天下既一乃置三十六
 郡浙江東西為會稽郡漢因之領縣二十有六毗
 陵無錫陽羨丹徒曲阿在焉高帝六年廢楚王韓
 信分其地以東陽鄆郡吳郡五十三城封劉賈為
 荊國漢書文穎曰東陽今下邳鄆郡今丹陽吳郡今會稽辨見郡縣表十一年九
 江王英布反殺賈十二年更名為吳王兄子濞景
 帝時反前四年封皇子非為江都王武帝元封五

年置刺史部十三州仍屬揚州後漢順帝永建四年析會稽爲吳郡凡十三城五縣隸焉吳析無錫以西爲屯田置典農校尉嘉禾三年改丹徒爲武進曲阿爲雲陽寶鼎元年置吳興郡以陽羨屬焉晉太康元年平吳隸揚州二年初置毗陵郡復以武進爲丹徒雲陽爲曲阿別分曲阿丹徒置武進縣分曲阿延陵鄉置延陵縣分無錫毗陵置暨陽縣并毗陵無錫凡七縣治毗陵懷帝永嘉元年元帝以琅邪王出鎮建業承制行事析吳興郡之陽

羨置國山臨津陽羨三縣長城之北鄉置義鄉縣
析丹陽之永世置平陵永世縣凡六縣立義興郡
永世尋還丹陽又以東海王越世子毗没子石勒
命哀王冲繼其後避世子諱并縣改爲晉陵治丹
徒太興元年郡及丹徒徙治京口江北旣離又嘗
僑置南蘭陵郡於武進成帝咸和間復徙治丹徒
咸康七年析暨陽鹽署置南沙縣安帝義熙九年
還治晉陵宋武帝永初三年又置綏安縣於義興
郡文帝元嘉八年於京口置南徐州併置南東海

郡爲治析我丹徒武進二縣歸之於是晉陵南蘭

陵二郡亦屬南徐州南齊析南沙置海陽縣又嘗

更革南蘭陵郡

史志闕書
辨見年表

至梁天監初乃改南東

海爲蘭陵郡武進爲蘭陵縣以南沙置信義郡併

以海陽屬以暨陽置江陰郡縣陳復改南蘭陵爲

東海郡隋平陳廢南徐州改郡爲州以晉陵郡置

常州又省南東海郡併丹徒縣入延陵蘭陵縣入

曲阿且以二縣屬揚州省義興江陰二郡併國山

臨津義鄉三縣入陽羨與江陰縣皆來屬故隋志

載晉陵無錫陽羨江陰四縣大業初廢州爲毗陵
郡末年竊據不常唐武德二年杜伏威歸款三年
復改爲常州以故蘭陵縣地置武進以江陰縣置
暨州置暨陽利城二縣六年後陷于輔公祏七年
平以義興縣置南興州置臨津陽羨二縣八年省
併省二縣以義興縣來屬九年又省暨州及二縣
以江陰縣來屬太宗貞觀元年分天下爲十道屬
江南道八年併武進於晉陵武后垂拱二年復分
置元宗開元二十一年增置十五道屬江南東道

天寶初審改爲晉陵郡肅宗至德二載復爲常州
乾元元年統以浙江西道節度使代宗大曆間又
合浙江東西置都團練觀察使德宗建中元年分
浙江東西道各置使二年合浙江東西道觀察爲
節度使尋賜號鎮海貞元三年復置浙江西道都
團練觀察使憲宗元和元年升浙江西道都團練
觀察使爲鎮海節度常州皆嘗屬焉武宗會昌四
年升常州爲望僖宗光啓以後又復竊據昭宗景
福元年歸于僞吳後晉天福二年遜于南唐又改

江陰縣為軍後唐羅德三年取常州未幾復入于

唐

皇宋開寶八年乃隸職分江陰軍廢而復置者三
今領縣四境壤道里各附焉

州境

州在東京一千九百八十三里西京二千八百三十
三里 行在五百四十里東西二百里南北二百
七十里是為提封之境東百五十里入平江府常
熟縣自西五十里入鎮江府丹陽縣界

孰縣

自界首又五
十里至平江

西五十里入鎮江府丹陽縣

界

首又一百三十里至鎮江南一百八十里入安吉州長興縣北九十里入揚州泰興縣揚子江中流是爲四正之境東南九十里入安吉州西南百八十里入溧陽縣東北三十五里入江陰縣西北八十里入丹陽縣是爲四隅之境

敘縣

晉陵

望晉陵縣古延陵邑杜佑通典言之詳矣秦隸會稽前漢改曰毗陵新莽改曰毗壇後漢復舊名隸吳

郡晉隸毗陵郡避世子諱改曰晉陵隋置常州後隸焉

縣境

縣在州東南四里東齒四十九里南北百七里是為提封之境東四十七里入無錫縣五牧橋西二里入武進縣新坊橋南八十里入宜興縣萬金鄉北九十里入揚州泰興縣揚子江中流是為四正之境東南百四十里入太湖無錫縣開化鄉西南五十里入武進縣惠化鄉東北三十五里入江陰縣

良信鄉西北二十里入武進縣仁孝東鄉是為四隅之境

武進

望武進絲曲阿丹徒舊境吳初丹徒為縣晉廢歸丹徒尋析二縣復置津陵郡後又嘗僑立南蘭陵郡於武縣南齊大祖西祖淮陰令蕭整自東海蘭陵遷地來居稱之東塘里梁改為蘭陵縣隋開皇九年併入武阿縣武德三年以故蘭陵縣地復置貞觀八年省入晉陵垂拱三年復置後唐大

同間僞吳據其地時江盜旁午民不莫居徙附郡城

縣境

縣在州西南一里東西五十二里南北百八十里是為提封之境東二里入晉陵縣新坊橋西五十里入鎮江府丹陽縣永安鄉鋪南九十里入宜興縣神安鄉臧墓墟九十里入揚州泰興縣揚子江中流是為四正之境東南四十里入晉陵縣永勝西鄉西南五十二里入鎮江府丹陽縣桂仙鄉東北

三十里入晉陵縣德澤鄉西北六十里入丹陽縣
永安鄉是爲四隅之境

無錫

望無錫縣秦伯舊國闔廬采城姑蘇皆都此其後楚
併粵考烈王元年相黃歇以淮北十二縣封爲春

申君越十五年歇言淮比邊齊請徙封江東王許

之因城故吳墟

越絕云北城秦伯所築寰宇記云秦伯西城去縣四十里高三丈興

地志吳城梅李平墟李或作里

縣名昉見漢志

陸羽慧山寺記云是山當周秦間大

產鉉揚漢興方彈故名

王莽改曰有錫後漢復舊名至順帝

隸吳郡

時有據者於山下得銘曰有錫兵天下爭無錫寧天下清有錫診天下弊無錫又天

下吳析為屯田縣廢晉太康元年復置隸毗陵郡

焉

縣境

縣在州東南九十里東西百十五里南北百二十七里是為提封之境東六十五里入平江府常熟縣苑山西四十七里入晉陵縣五牧橋南七十七里入平江府吳縣烏山北五十里入江陰縣陳溝是為四正之境東南四十三里入平江府吳縣烏角

溪西南五十一里入晉陵縣白石塘東北七十四里入江陰縣嶺村西北五十里入晉陵縣五湖口是爲四隅之境

宜興

望宜興縣荆吳舊境戰國入楚秦滅楚避莊襄王諱易楚爲荆一曰荆邑一曰陽羨漢高帝五年荆令尹靈常以功封陽羨侯隸會稽郡永建四年邑人周嘉上書謂縣僻左難應期會請析隸詔以浙江東爲會稽郡西爲吳郡遂屬焉吳寶鼎元年析吳

郡九縣置吳興郡以縣屬晉懷帝朝又析吳興之陽羨并長城之北鄉置義鄉國山臨津與陽羨為四析丹陽之朮世置平陵及朮世凡六縣立義興郡以表周圮三舉義兵之功尋以朮世歸丹陽朮永初三年析宣城之廣德吳興之故鄣長城及陽羨義鄉五縣各割地增置綏安縣復領縣六元嘉六年省平陵歸朮世八年隸南徐州梁末即綏安置大梁郡隋平陳郡廢歸義鄉於長城省國山臨津合陽羨為義興縣隸常州尋復為郡唐武德七

年改南興州置陽羨臨津二縣八年復為義興縣
併廢二縣入焉

國朝太平興國元年避 熙陵御名下一字改今
名

縣境

縣在州南百二十里東西百六十五里南北百十四
里是為提封之境東九十三里入平江府吳縣太
湖中沂洲西陽一云洞庭西山西七十二里入建康府溧
陽縣葑埭村南六十里入安吉州長興縣垂腳嶺

分水北五十四里入晉陵縣孫聖村是爲四正之
境東南八十四里入長興縣義鄉山西南百里入
廣德軍廣德縣伏牛嶺東北六十五里入晉陵縣
百瀆口舊志六十里入武進陵臺村西北九十里入鎮江府金
壇縣是爲四隅之境

陸程

東自通吳門至江陰常熟兩縣

南自德安門至長興縣

西自朝京門至丹陽縣

北自青山門至大江南岸

東南自通吳門至望亭

西南自石幢門至建平溧陽縣

東北自東欽門至江陰縣

西北自朝京門至金壇丹陽縣

水程

運河東自通吳門至慈寧驛風波橋西自朝京門至

丹陽縣分界鋪

西蒙蠟河自南水門一入太湖沙子至宜興縣一入太

湖西至長興縣東至吳江縣

揚子大江西起鎮江東抵江陰南岸橫亘六十里

地名于塘魏浦大港小河中流與泰興縣分界

申港在晉陵縣德澤鄉北接江陰無錫兩縣入大江

利港自青山門外河東北至江陰縣入大江

戚墅港在通吳門外十八里南通直湖港皆晉陵無

錫接境入太湖

分埜

國官保章氏以星土辨九州之地所封封域皆有分

星可觀妖祥鄭註謂大界曰九州州中諸國中之
封域於星亦有分其書亡堪輿雖有入度非古數
蓋大界易知細度難明毗陵一郡類鄭氏所謂諸

國中之封域諸史亦罕言入度且互有異同史記

謂揚州屬牛女分

史記天官書牽牛婺女揚州

前漢志謂吳地

斗分仍指會稽郡屬焉

前漢地理志吳地斗分楚今會稽九江丹陽豫章廬

江廬陵六安臨淮郡盡吳分也

後漢志謂斗十一度至婺女七度

一名須女為星紀之次吳越分晉隋志同但晉志

指會稽為牛一度

後漢郡國志自斗十一度至婺女七度一名須女曰星紀之次

於辰在丑謂之赤奮若今吳越分楚晉天文志
 斗牽牛須女吳越揚州自南斗十二度至須女七
 度為星紀於辰在丑吳越之分楚屬揚州隋地
 理志自斗十二度至須女七度為星紀吳越得其
 分又晉志引魏太史陳卓言鄆國所入度云
 會稽入牛一度關吳郡蓋仍據前漢郡名也大
 槩可定者次在星紀楚在揚郡之所入細度則未

詳也

重修毗陵志卷第二

重修毗陵志卷第三

地理三

毗陵當五季時鄰吳越竟僞吳刺史張伯棕增築
方直雄固至號金斗 太平興國初雖

詔撤樓櫓規模猶巋然也邑有四晉武附郭外二邑

皆古切坊市內布郊圻外畫橋梁間錯按圖而觀如

示諸掌

城郭

州

內子城周圍 里三百一十八步高二丈一尺

甃之唐景福二年淮南節度使揚行密遣節
衙檢校兵部尚書唐彥隨權領州事重修在
祠天王祠鼓角樓白露屋今為郡治

十城周圍七里三十步高二丈八尺厚二丈

甃之上有御敵樓白露屋偽吳順義中刺

惊增築號金斗城

余餘詩云毗陵城如門
金斗方六義取此

西迎秋南金斗北北極外綵以池公

內 國朝仍其舊制建炎中

七侯復興繕翅

珪為記謂州治寓

縣而佛廬大槩今斗以北爵為榛莽不再歲
市民舊屋輦材以用之無遠求之擾規宮舊址
壤以築之無創增之侈工倍備直役徒畚休甫
緣茲民受其惠迄今著甘棠之思

四城周回二十七里三十七步高二丈厚稱之伊吳

天祚二年刺史徐景邁築門有九東通吳次東懷

德山德安次南廣化西南南水西朝京北青山

寰宇

記云青山門橋望江

陰海門諸山故名次北和政東北東欽外皆有

池太平興國初詔撤御敵樓白露屋作皇城隍天王二祠鼓角樓後移城隍祠於金斗明內之西偏

通吳門今
為朝天門

晉陵武進

城附郡治

無場

城在運河西梁溪東越邑云無錫城周四里十九步高二丈七尺四郭四面十一里二十八步高一丈七尺門皆有屋南徐記云縣舊城基也

六年令李曾卿重修今門關有四東熙春徑膠山
南朝京徑平江西梁谿徑惠山北漳容徑郡城

宜興

城在荆溪北後漢袁玘爲令造長橋於溪南去縣二
十步今之縣治蓋舊址孫權嘗爲陽羨長赤烏六
年築城周回一里九十步高一丈二尺厚稱之濠
闊三丈五尺隋大業初路道德重修陽羨志云晉
宋齊郡爲太守治所而縣治在君山後縣如故今
門關有二南二里曰南興北一里曰源慶

坊市

州晉陵武進附

孝仁泉坊自大市魚行以東至通吳和政門

孝仁西坊自大市魚行以西至武進雙桂坊舊曰孝

義以旌表孝子得名 國朝避 熙陵御名下一

字改今名

定安坊在運河南舊爲萬安鄉故老相傳 中興前

嘗展拓郡城廢此鄉改爲定安坊 張侍郎宦元名 大觀四年

以上舍出身初授官告稱晉陵萬安鄉特未展城此其證也但他無文字可考年月未詳

翰林坊在光孝寺南以胡文恭家世掌絲論故名

聖智坊在資良聖寺東

富業坊在重表虹橋北

豐樂坊在水華橋北

椿桂坊在定安坊街北徐守申建以張大傳彦直四子聯第取實燕山靈椿丹桂爲名

佚老坊在臨安門內徐守申建以孫中奉庭臣胡公遠相繼退閑優游里閤故名

興仁坊在新坊橋西

慈孝坊在新坊橋北

狀元坊在郡前街東史守彌念建以蔣侍郎重珍魁
天下故名

明倫坊在郡前街西史守彌念建以通郡學故名

雙桂坊在武進縣東以丁都官宗臣校理竇臣聯第
故名舊志云本名來賢乾德五年邑人宋維宋絳
皆第進士令宋蟾嘗更此名

正素坊在武進縣東廟巷徐守申建以張公舉賜號
正素處士故名

壯猷坊在武進縣南朝京門街北徐守申建以胡宗

回屢帥邊故名

今椿桂張氏子孫有居此者景定間改為椿桂新坊

世賢坊在武進縣北趙守善防建以張參政守所居里故名

進賢坊在郡學橋南通金斗門

詳見相學校

興賢坊在貢院街南

惠明坊在郡前惠明橋側

金斗坊在金斗門街東

千秋坊在金斗門橋南街東

德壽坊在金斗門橋南街西

大市在羅城東南二里舊置務有市令市長典市後
惟差市長貿易物貨以惠民旅務久廢市令今隸

錄參廳

諸關城外皆有小市

橫林市在晉陵縣東南二十七里

奔牛市在武進縣西南二十七里

無錫

平政坊在縣橋前街西

愛民坊在縣橋前街東

迎溪坊在縣西向南抵迎溪橋

狀元坊在縣東大市橋以蔣侍郎所居得名

睦親坊在縣東南水碓橋新街

思禪坊在縣東南倉橋北禪寺巷

廣濟坊在縣東南倉橋巷

永興坊在縣東南市橋東

懷仁坊在縣東大市橋東南鎮巷

崇安坊在縣東以寺故名

新橋坊在縣南南市橋西

景雲坊在縣南樊家巷

禮遜坊在縣南唐家巷

三登坊在縣南倉前

遺愛坊在縣南郝家巷以郝令漸故名

縣市在縣東街

洛社市在縣北招義鄉風土記云晉王右軍莊後因

鬼神喧呼成市故名

望亭市在縣南新安鄉風土記云隋文帝至德二年

置

竹塘市在縣西北六十里招義鄉風土記云晉天福二年十月置

陸墟市在縣西北四十七里富安鄉風土記云市東七十步有陽山出石堪作礮曰始民未知開斷漢大夫陸端設有醴以祭後取爲噐寰宇記云江東數州皆藉其用

甘露市在縣東六十里延祥鄉

江市在縣南十三里揚名鄉

陶市在縣南十二里揚名鄉
郭市在縣南十八里揚名鄉

宜興

崇禮坊在縣治前荆溪南之左
遵義坊在縣治前荆溪南之右
蛟川坊在縣治前荆溪北之左
招德坊在縣治前荆溪北之右

舊志載荆溪南曰欽善新安北曰輔賢荆陽今
亦通稱

縣市一在縣南十步東又蛟川坊西入招德坊在

長橋南

湖淤市在縣南四十里

潼渚市在縣西三十里

張渚市在縣西南七十里

鄉都

晉陵

定安西鄉在縣東南五里

定安東鄉在縣東南十五里

永勝西鄉在縣南五十里

從政鄉在縣東南六十里

太平鄉在縣東南七十里

新塘鄉在縣東南七十里

迎春鄉在縣東南八十里

永勝東鄉在縣東南三十里

安上鄉在縣東南五十里

政成鄉在縣東三十五里

安豐南鄉在縣東北三十里

安豐北鄉在縣東北三十五里

大寧鄉在縣東北三十五里

永豐東鄉在縣東北二十里

循理鄉在縣北二十里

依仁東鄉西鄉並在縣東北五十里

永豐西鄉在縣東五里

德澤鄉在縣西北三里

孝仁鄉在縣東北二里

武進

懷德南鄉在縣東南二里

懷德北鄉在縣西北三里

安善東鄉在縣西北二十里

安善西鄉在縣西北三十五里

千秋鄉在縣西北九十里

仁孝東鄉在縣西北四十五里

仁孝西鄉在縣西北五十里

惠化鄉在縣東南三十里

大明鄉在縣西南七十里

棲鸞鄉在縣西南八十里

旌孝鄉在縣西南九十里

延政鄉在縣東南二十五里

欽風鄉在縣西南六十里

尚宜鄉在縣西南九十五里

鳴鳳鄉在縣西南四十里

舊管三十六鄉後併為十六雙桂坊與焉

無錫

天授鄉在縣東北三里

開元鄉在縣西南二里

懷仁鄉在縣東北六十里

興道鄉在縣西北四十里

開化鄉在縣西南六十里

太伯鄉在縣東七十里

宅仁鄉在縣北六十四里

舊名
光宅

青城鄉在縣西北五十里

富安鄉在縣西五十里

舊名
永安

上福鄉在縣東五十里

延祥鄉在縣東七十里

舊名延祥

垂慶鄉在縣東五十里

舊名垂拱

膠山鄉在縣東五十里

萬安鄉在縣西二十五里

布政鄉在縣西四十里

新安鄉在縣南五十里

景雲鄉在縣東二十八里

神護鄉在縣西北五十里

興寧鄉在縣北四十六里

梅李鄉在縣東三十五里

招義鄉在縣西北四十里

湯名鄉在縣西南四十里

舊管三十六鄉併爲二十五今復省其三曰茂

定開歸德

宜興

開寶鄉在縣東北二里

善計鄉在縣東北十五里

洞山鄉在縣東北三十五里

萬金鄉在縣東北四十五里

瀾湖鄉在縣西北七十里

成任鄉在縣西北二里

伍賢鄉在縣西北六十里

神安鄉在縣西北六十里

清津鄉在縣西北七十里

山亭鄉在縣西北七十五里

從善鄉在縣西北七十里

金泉鄉在縣西南五十里

永豐鄉在縣西南四十五里

山亭鄉在縣西南二十里

清泉鄉在縣東南二里

君山鄉在縣東南三十五里

舊管二十鄉後省其四
中鵝南入清泉北入開
寶震山入洞山豐義入

湖

橋梁

州

惠明橋一名州橋在譙樓直南以河故名嘉定中史

守彌念重建易甃以石

狀元橋在郡學前崇寧中朱守夫建以霍侍郎端友魁多士故名

舜宜橋在迎秋門內紹興二年重建

縣橋舊名靈雉一名化洞晉陵縣舊治在此晉永嘉三年建

倉後橋在郡倉後今廢

以上跨子城河

金斗橋舊名甘棠在金斗門外
行春橋在行春門外

月斜橋舊名西斜在迎秋門外唐至德初建
卧龍橋在朝京門內嘉定間趙守善湘重建
壟子橋在青山門內

洗馬橋在行春門南外子城濠側祥符經云隋陳司

徒洗馬于此故名

以上跨外
子城濠

天禧橋俗名驛橋在荆溪館西唐如意二年建國朝

天禧中重建故名

新坊橋在天禧橋東梁大同元年建晉陵武進於此

分境

元豐橋舊名飛鳳一名穀橋在新坊橋東唐如意元
年建 國朝元豐初重建故名

太平橋舊名通波又名建元齊建元中建唐建元中
修後以直太平寺故名以上跨運河

瑞登橋俗名顧塘在外子城南一里西與城濠合流
肅華橋俗名高橋在瑞登橋東唐如意三年建
顯子橋在肅華橋東

薦橋在顯子橋東

水華橋在薦橋東僞吳興善二年建或云南唐後主

時建

襄虹橋俗號八字在水華橋東與運河合流唐儀鳳

二年建

以上跨後河

虹蜺橋一名市廛在市西坊與後河合流唐至德初建

五熟橋在虹蜺橋北晉永和三年建祥符經云市熟橋

榮橋在五熟橋北亦名甘蔗唐開元中建

三板橋在榮橋北

斜橋在邦溝之匯南直果子巷北直和政門東近永

福寺西入斜橋街

永福寺橋在斜橋東北小洞橋在永福寺橋東南直

新巷

晉陵縣橋在縣治前

縣東橋在太平寺側

小石橋在通吳門內十餘步南通運河以上跨邦溝北流

臧橋在新坊橋西北通運河唐垂拱三年建梓符經

云大夫臧蒿寓此故名

邦溝橋在德安門內街東唐至德初建

孤兒橋在邦溝橋東唐正觀初建祥符經云昔徐良卿之子因繼母殂哀殞于此故名

樂家橋在孤兒橋東直永慶寺巷

德勝橋在太平橋西境北通運河以上勝邦溝南

晉陵

通吳橋在縣東南城門外通驛道

東欽橋在縣東北城門外

德安橋在縣南城門外

和政橋在縣西北城門外

青山橋在縣西北城門外

通江橋在青山門外通申利等港

雙橋在和政門外

中浦大彎橋在青山門外一里

查墅橋

黃汀橋並在青山門外

百丈橋在縣西北循理鄉

楊頭橋在縣東北依仁鄉

鄭陸橋在縣東北永豐東鄉

網頭橋在縣東北安豐北鄉

杭子橋在縣南德安門外四里

浮塘橋在縣南德安門外九里

三橋在縣西南廣化門五里晉陵武進分界

陳墅橋在縣東南通吳門外十五里

武進

虹橋舊名小橋在縣西南朝京門外大觀三年建易

今名

廣化橋在縣南城門外

陳渡橋在縣南廣化門外四里跨西蠡河舊傳隋陳

司徒建

游塘橋在縣西南十八里跨西蠡河直廣惠行廟

徐湖橋在縣南十餘里

無錫

縣橋在縣治前淳祐間平甃如地

大市橋在縣東二百步跨運河隋大業八年建嘉定

中令鄭之悌易以石梁

倉橋在縣南一里

南市橋在縣南一里餘唐武德中建

將軍堰橋在縣南百步

茅子橋在縣南六十步

女真觀橋在茅子橋南

虹橋在運河西縣倉側直縣學

迎溪橋在西門內

水碓橋在運河西

梁溪橋在縣西五十步跨梁溪通大湖隋大業中建

鳳光橋在運河東善智寺西唐武德七年建

斜橋在善智寺東唐咸亨二年建橫跨二梁之口故名
國朝崇寧間重建亦名崇寧橋

觀橋在運河東以洞虛觀故名俗傳縣中有九河如箭上河如弦此河頗湮塞謂一箭折其首云

染涇橋在中街以通涇水故名

度僧橋在南禪寺側

威巷橋在北門內運河東

沈橋在北門內運河西與崇安寺相望嘉熙間令趙

時兼重建易名趙公橋旁有星星泉

蓮容橋在北門唐正觀三年建通江陰有閘以湖故

名

以上在縣城

錢橋在九龍山北通湖

狀元橋在湖埭嘉定間以蔣侍郎舊居故名

潘葑橋在縣北十八里跨運河唐麟德二年會稽都

督唐仁泰建今廢

新安橋在縣南十八里臨運河以通溪故名

風波橋在望亭唐末淳三年建與平江府分境

宜興

長橋在縣南二十步晉周孝公斬蛟之地陸澄地抄

云漢邑令袁玘建

南唐徐鉉記橋亦云

東西四十尺南北二

百五十尺唐人詩云長橋今夜月陽羨古時州李

華詩云雲雨生泉窟雷霆落劍鋒

國朝景德四

年令李若谷改造天聖六年令賈丞相昌朝更築

未遂越明年落成有坐憶蛟橋此日新之句元豐

二年郡丞錢垂範行縣庖舟延燬四年令楮理重

建榜曰忻濟蘇文忠過之大書十二字于石曰晉

征西將軍周孝公斬蛟之橋因改曰荆溪淳熙十一年里寓趙知宗倡率重造上立神佛祠四列市區二十有八云

周猶在長橋南跨周瀆治平中令樓閱建紹定間令趙與趙重葺

通津橋在縣志不跨城濠治平中建俗名新橋宜民橋在尉志東寶慶間尉趙汝邁重修

歸美橋在縣志北運河之曲舊名龜尾寶慶間丞沈次及倡率志造毀於嘉熙二年今復建焉

福德橋在縣西北跨運河俗名後橋嘉定間里人以石易木亦毀於嘉熙今復舊

通運橋在尉司教場西令趙與哲重建

杜橋在縣東嶽廟西以杜牧之水榭故名

倉橋在周橋南跨寺瀆紹興間令高商老建令趙與哲重甃

寺橋在南門跨寺瀆

新溪橋在南門外六水岸嘉定間以石易木梁

就安橋在南門西南二里令趙與哲重建易今名

謝橋在南門外二里

流杯橋在南門外六里舊傳周孝公射虎處

侍郎橋在湖汶鎮晝溪舊傳陸希聲得隱居于此蔣

穎叔題其宅云二十四亭無沒晝溪邊猶有故時

橋樊川集有李侍郎昔居陽羨富有泉石名亦取此

南興橋在縣南門外

源慶橋舊名象賢在北門外二里今址與近重建易

今名

湛瀆橋在縣北十五里

計亭橋在縣北二十里跨運河亦毀於嘉熙今復舊
葛墟橋在縣三十里跨運河

歸迳橋在縣西南四十五里淳祐間邑人重建
餘霽橋在成任鄉通神安鄉徑昇潤嘉定末攝令洪
偲築堤成梁十有四後以規利於渡者撤之

重修毗陵志卷第三

重修毗陵志卷第四

詔勅

藝祖皇帝混一區宇常以東南偏壘入職方

王言播告視同畿甸

列聖相承罔不以政教乂我受民

中興距行都五百里而近德意所及尤先焉謹撫
大事書三策

開寶諭吳越王取常州詔

勅錢俶朕統御萬邦撫臨兆庶推至誠而待物期率

土以歸心布惠行仁是予本志興兵動衆非我願爲
惟彼江南言修臣禮又被撫綏之化頗傾依附之心
貢封章則惟見恭勤修外貌則多從減降既云事大
每欲包荒甘言嘗信其赤心內稔豈疑其奸計而又
疊傾誠款願降冊封既禮分之未虧故我心之無間
使人頻至詞旨愈專是以特降近臣俾其略來赴闕
頒宣優厚恩禮殊隆何期終見包藏一旦彰露不惟
多方託故懇避來朝而乃修葺城池選練軍旅教習
戰陣抽點鄉兵爲捍拒之計謀作攻守之準備朝廷

養寇垂二十年心狠貌恭突然自敗向展為臣之禮
適滋觀釁之方每云傾輸盡彰狡詐既行問罪須至
興師今者禁衛出軍雲臺選將剋期攻取直抵昇州
卿任重統戎心專盪寇况早者曾被章奏具述事宜
今驗姦克果符陳請聞茲討伐必整忠厲今候丁德
裕到彼住三五日可部領兵士起發且往攻取常州
毗倚之懷寤寐無已故茲詔示想可知悉

常州平獎諭吳越王詔

勅錢俶省所差鎮東軍支使王通今月二十八日走

馬到關奏今月十五日偽命知常州禹萬誠等歸附
已安撫州城訖事真悉卿位高王霸天付將材明傳
衛社之勲世著勤王之節昨親提銳旅取彼堅城
勢孤而既絕提兵力盡而遂輸降款遽歷寒暄之候
終成收復之功永增史冊之光輝實副君親之任委
其爲嘉賞不捨寐興故茲擬諭想宜知悉

撫定常州勅榜

勅常州管內百姓人戶等汝等咸在偏方未霑皇化
以熱耨寒耕之苦困急徵暴斂之風念爾生靈困興

弔伐今者已收郡邑靖以刑盡殄氛霾當使蒸黎去遂
蘇息所宜遠安家業各有農桑被予臨照之恩共樂
混同之化凡爾庶體我誠懷故茲榜示各令知悉
並大詔今

淳化寬征詔

詔曰峽路諸州先是賈人舡輸到岸錢常潤等州市
征取筭外境上又倍征者並除之

淳化二年實錄

大觀學校推恩詔

學校興崇人才樂育法備令具勸德已行深慮有司

失實尚有遺材傳不云子進賢受上賞蔽賢蒙顯戮
闕前日賓興之數較其試中多寡惟常州為衆苟依
常格推恩非古人上賞之意其知州教授特與轉一
官大觀三年大詔令

紹興賑卹流民詔

紹興元年三月二十八日 詔常州平江府近有淮
南京東西等路避寇渡江流移失業之民可專委逐
州知通措置賑卹仍依老疾貧乏不能自存人條法
給散及慮艱得柴薪每人每日特更給錢二十文七

歲以下減半以本州常平錢穀支撥深慮數目不足
平江府降度牒二百道常州一百道變轉應副會要

紹興增置水軍指揮

紹興四年十二月二十日奉 聖旨江南沿江爲軍
皆係緊要控扼重地已專委諸路帥臣漕臣打造車
戰舡外合行招置水軍教習戰船以備緩急禦敵令
臨安平江鎮江府秀常州江陰軍太平池江洪州興
國鄂岳潭州各置水軍以五百人爲額並以橫江爲
名其招軍例物并請受並依雄節指揮則例支破

紹興蠲放被水下戶積欠稅賦詔

紹興二十九年三月二十四日詔常州鎮江府實
被水第四等以下人戶并湖州平江府紹興府下戶
未經賑濟之前已自流移去曾除放之人下轉運司
委官覈見諸實並依紹興二十八年九月二十七日
指揮施行

紹興二十八年九月二十七日三省言平江紹
興府湖州諸縣除放免被水下戶逋年積欠撥
令戶部開具有無侵損歲計上曰不須如此
止令具數便於內庫支降撥還朕平時無妄費
內庫所積正欲備水旱爾本是民間錢却爲民
間用何所惜於是下詔平江府紹興府湖州

諸縣災傷沂有已前積欠稅賦並與除放令逐
縣限五日開具合陰數目申州覆實申轉運司
本司保明申戶部候到今本部具數奏請於御
前支降撥還其人戶私債并欠坊場酒錢並候
三年外理還如官司尚敢追索騷擾今監司郡
守覺察具名聞奏仍許越訴既而十一月一日
詔內藏庫降錢三萬九千六百一十貫七百四
十二文付戶部充紹興平江府湖州被水人戶
合放 上供物帛 會要
錢米數目價直

乾道免身丁錢絹指揮

乾道元年二月癸卯

詔朕以淫雨不止有傷蠶麥可自二十五日避正殿
減常膳其浙東西路災傷去處人戶合納身丁錢絹

臨安府紹興府湖常州並與全免一年溫台明處州
鎮江府並各減放一半將減下之數於內庫計支銀
絹撥還戶部以克軍用

淳熙間兩縣水澇

御筆

聞常州宜興無錫二縣近遭大水今水勢何如合補
種晚稻即日已插種多少不可車戽再種者頃畝若
干疾速開具奏來 付張孝實

淳祐蠲稅指揮

淳祐二年七月二十日 省劄常州晉陵武進兩縣

管下拋荒田土無人耕種今來御史臺兩浙運司備到民詞乞行檢放合與審實施行劄付浙西提舉司委官檢踏據具到管催苗稅去年已放數目及新種荒白帳狀乞從朝廷優卹減放施行奉

聖旨將淳祐二年兩縣合納應于夏稅不分上中下戶並各蠲放一半

技藝

於氏清言毗陵人工寫荷花獨步一郡宋寧宗朝以荷花障進奉喜動天顏特旨授承節郎浙西安撫司

計議官家學相傳其孫務道圖寫尤精曾以荷花圖
於歸附後附江東道宣慰錢同知經
進由是其名愈重

重修毗陵志卷第四

重修毗陵志卷第五

官寺一

君子朝以聽政夜以安身此官寺之所由設也毗陵自建炎後郡城無復舊觀俞侯俟倡而復之諸賢嗣而葺之規模於是粗備矣因革盛興今悉著其顛末併郵驛附于左

州治

州治在內子城唐末郡屬淮南楊氏權刺史唐彥隨經始於景福元年建譙樓儀門正廳西廳廊廡

堂宇甲仗軍資等庫餘六百楹至南唐郡歸我

朝因舊增葺建炎中燬俞守侯興復後浸以備

譙樓在內子城南常州二大字徐鉉所篆占相者謂

筆勢雄偉如金鍾覆群龍乃倫魁接踵之識熙

寧崇寧嘉定已三應矣乾道初葉守衡創

兩挾樓嘉定間史守彌念製更鼓十有四銘曰

晨昏汝司勸政汝做相與保之期於有求

儀門在譙樓後列戟十有二左右有便門門之外東

西各屋十餘楹

手詔亭在譙樓前左

班春亭在譙樓前右

放生亭舊在行春橋之西北後徙郡圃淨遠亭後又徙荆溪館之西 淳祐間王守圭徙行春橋之東南

正廳亦謂設廳

相傳謂舊爲燕犒將吏之所謂之旬設故公厨亦曰設厨

屋五楹

中榻

真宗文臣十條前列戒石銘東西兩廡各十餘楹客位在西廡入轅門而南爲吏舍

便廳在正廳西亦曰西廳其左有挾屋為上客位

僉廳在設廳東舊名都廳 宣和間以懷安軍奏令

尚書省公相廳稱都廳乞將本軍都廳以僉廳為

名 詔從之令諸路倣此其南為當直司頽廢弗

治 咸淳三年史守能之重葺耳

節制司僉廳附僉廳

平易堂在正廳後 嘉泰間李守珪建

桂堂史守能之所名以堂之南古桂森列也

月臺在桂堂後

閭春亭在內子城東北隅 嘉定間史守彌念嘗種
梅數十本中着一亭後四十餘年能之以從子繼
守扁以問春取盧襄雖我故園無分看問渠春色
幾時來之句

宿鳳亭在外子城東北隅以古栢蒼翠史守能之建
取老杜香葉終經宿鸞鳳之句

立齋在平易堂西 咸淳二年家守鉉刻定取易恒
卦立不易方之義

匪懈堂在立齋前西偏舊與平易堂相直史守能之

移建於此堂扁乃 淳熙間

光宗在東宮時書以賜吳守城考

靜鎮在便廳後家守鉉翁建

小東山在便廳後東偏以唐刺史韋夏卿東山在羅

城東南隅且舊觀廢葺故名之以存古

未詳所始

時雨堂在便廳後西偏

浙西道院在便廳西北 嘉熙間陳守采所名

凝露堂在道院後 紹興間鄭守作爾建以唐孤

及守是邦嘗有甘露之瑞故名

獨孤有表見詞翰門

梅露堂在凝露堂後 紹興末莫守伯虛以郡宅梅

著異花且有甘露之瑞故名孫鴻慶為記見女集

多稼亭在子城西北隅 建炎中燬 乾道間晁守

子健重建胡蒼梧題扁張南軒為記見詞翰門

愛梅亭在郡圃 淳祐間李守廸建

極高明在外子城上 乾道初葉守衡建名淨遠揚

誠齋有犯雪來登之句見詞翰門 嘉定間史守彌愈

更名高爽 淳祐八年李守迪又更曰景鄒以嘗

為廣陵校官實踵道鄉故武尤切仰止暇日登城

北望或指似道鄉松楸故名 咸淳二年家守鉉

翁又更曰極高明

近民堂在平易堂西

以下亭堂凡十今廢

虛白堂舊在便廳西

紹聖間廖守正一建

靜治堂舊名惠愛

紹興間陳守正同建

卧治堂楊誠齋有詩

見詞翰門

如農齋舊在便廳後

乾道間錢守建所建取政如

農功之意

思賢堂在道院西

嘉泰間趙守善所建

樂喜堂在郡圃 淳熙間張守孝貢建

懷古堂在郡圃 淳熙間陳守庸建下臨大池 雖旱

不涸 舊傳郭璞所鑿故名

聞鄉亭在郡圃 淳熙間張守孝貢建

三山閣在郡圃 揚誠齋有望三山詩

見詞翰門

通判東廳

在州治東

風月堂在廳後 雙檜堂在風月堂東

省軒在風月堂東 今廢 宿鸞鳥堂在雙檜堂北

通判西廳

舊在州治西

後廢其地併入判官廳
今即天禧橋東館爲治

鈐轄廳

舊在司戶廳東

今廢

教授廳

在州學東

增差教授廳在薦巷

節幹廳

無定所

判官廳

在州治西

推官廳

在判官廳西

錄參廳

在州治譙樓內西偏治州院

司理廳

在譙樓外西偏治司理院

司戶廳

在州治東

司法廳

在州治東今廢

監倉廳

在司戶廳西

廂官監酒稅廳

無定所

晉陵縣治

縣治舊在內子城西南化洞橋淮南楊氏展築羅城徙外子城東邗溝上

敬簡堂在廳後

盡心堂在廳後西偏

宣嘉堂在廳事東大觀間令李景得古甓有篆文曰
位至公卿功冠天下今名宣揚萬姓嘉昌字畫奇
古時堂初建取二字以名

不濁堂在宣嘉亭南面水池

縣丞廳

廳在縣治西偏

主簿廳

廳在縣治西十餘步

縣尉廳

廳在縣東南通吳門外三里

武進縣治

縣治在舍斗門外街西

瞻衣堂在廳事西童子厚嘗宰是呂故名

縣丞廳

廳在縣治東偏有松槐堂

主簿廳

廳在縣治東

縣尉廳

廳在縣南廣化門外

無錫縣

縣治在大市橋西

鼓樓在縣橋北

宣詔亭在鼓樓東

頌春亭在鼓樓西

正廳在鼓樓後東西兩廡各十餘楹

書簾在廳後

平清堂在書簾東

不欺堂在平清堂東

清心堂在書簾西

九峯亭在縣圃西

縣丞廳

廳在縣治東

主簿廳

廳在縣治西

縣尉廳

廳在丞廳東

監務廳

廳在縣治東

且興縣治

縣治在荆溪北

鼓樓在縣治前城門上

宣詔亭在城門內左

頌春亭在城門內右

廳事在鼓樓後

清心堂在廳西

無倦軒在清心堂後

明生堂在廳東

勤清堂在廳後

巢鳳亭在縣圃

見山亭在縣治後城門上

瑞蓮亭在縣治北有橋跨城濠

巖月亭

燒碧亭並在縣圃

縣丞廳

廳在縣治東有且節堂

主簿廳

廳在丞廳東有高士堂

縣尉廳

廳在縣治北城外有巢僊堂車軒竹齋

監務廳

廳在縣治東南稅務

館舍

州

荆溪館舊名毗陵驛在天禧橋東枕漕渠以通荆谿
故名南唐徐鉉嘗有驛橋風月之句見詞翰門紹興末
高宗皇帝親征逆亮

車駕幸金陵及還 行都皆嘗

次荆溪館事見會要

西行衙在天禧橋東荆溪館西

使星亭在西行衙東

弭節亭在使星亭東

荆溪堂舊志云在法濟寺前毗陵驛之東

按舊志記法濟寺前

今寺改爲縣學學前隙地即其故基也

建炎三年及

紹興七年

高宗皇帝

車駕往來金陵嘗一再

次荆溪堂

事見會要

見山亭舊志云在崇勝寺前與河之南獨孤公所遊

東山相望故名

白雲亭在天禧橋西

皇華亭對薦福寺街南

光華亭在通吳門內街北

艤舟亭對光華亭

如歸亭舊名觀風在朝京門內

晉陵

賓賓亭舊名盍簪在通吳門外二里尉廳之右其廢
久矣咸淳三年史守能之重建稍近城闡易今名

武進

朝京館在朝京門外一里舊傳高麗亭以高麗入貢

嘗館于此初曰如歸

紹興間徐守天
民重建改今名

無錫

太平驛在縣東百步

南門驛在縣南二里

北門驛在縣北一里並東臨運河

五里亭在縣北五里西臨運河梁紘塘通梁溪直抵
惠山又有五里橋

宜興

陽羨館舊名迎華驛在遵義坊北臨荆溪唐張祐有
荆溪館呈崔明府詩云長橋今夜月遠櫓下搖聲

治平中令樓閣重建紹定初令趙與哲撤而新之
取唐人艤舟陽羨館之句改今名

泳飛亭舊名弄舟在迎華驛前今爲放生之所故名

重修毗陵志卷第五